

第六十九冊

卷一百十九

祠祀考十一

卷一百二十

祠祀考十二

新纂雲南通志

盧漢題

纂



第六十九卷

卷一百一十九

卷一百一十九

卷一百一十九

卷一百一十九

新纂雲南通志

盧 澂



新纂雲南通志卷一百十九目錄

祠祀考十一

寺觀六

麗江府

普洱府

永昌府

開化府

東川府

東川印

關外印

永昌印

普再印

關外印

表勝六

陳陳卷十一

陳陳卷十一
百十八日終

新纂雲南通志卷一百十九

祠祀考十一

寺觀六

麗江府

麗江縣

萬松庵

在城東十里木堅村

麗江府志

三寶庵

在城東十里團山清康熙四十七年里民楊立目建

麗江府志

兜率園

在城東十五里東員里中岡清康熙三十年僧清體建

麗江府志

觀音閣

在城南門外萬鈞橋東明時建

麗江府志

清光緒六年郡人重修

一在白地坪光緒四年里人李慶光等建

光緒志

文峯院

在城南十里文筆峯下舊有靈壽寺久廢清雍正十一年

番僧噶立布結茅於此乾隆四年四寶喇嘛至麗求知府管學宣

倡捐僧明具建麗江府志光緒七年喇嘛僧重修光緒志

大覺宮 在城西十五里束河里明時建麗江府志

元天閣 在大覺宮後明時建麗江府志一在城北門內燬於兵清光緒間

武營重建麗江縣採訪

元光寺 在束河功德山上明時建麗江府志

邯鄲寺 在束河中海又名雷音寺明時建麗江府志

指雲寺 在城西二十里刺是里秣度山清雍正五年知府元展成

捐助喇嘛僧立相等募建麗江府志光緒六年喇嘛僧重建光緒志

福國寺 在城西北白沙里芝山上舊名解脫林明熹宗賜名福國

寺雍正志清同治間燬於兵光緒八年喇嘛僧重建光緒志
參採訪

附明鶴慶知府梓州張學懋芝山福國禪林紀勝記

道光志

域中五嶽其顯者也滇雲蓋多隱山焉歷代禪封未之及也余來洩鶴會以省敘邊白甸頭觸目蘆花紅蓼沿水周遭酷似江南秋景遙望雪山如瓊玉堆直摩霄漢而甸之直北長松巨石掩映晴嵐已接麗江郡界矣因思麗不可到顧安得如宗炳繪圖四壁拂吾焦尾而鼓之使衆山響邪亡何而隱公以書並圖來貺適愜余懷因懸諸衙齋邀阮君學博指點其勝阮君曰雪山望在目中然距此尚不知幾百里而遙計非有縮地術不易至乃雪山自西綿互層巒疊嶺而秀異特鍾者芝山也山北有峯形如偃蓋曰紫蓋峯迤邐西南翠岫圓頂者則曰鬱華臺再折而北層巖嵌空仰睇視之若礫毛多吻猗猗可畏者曰獅子巖巖之南曰幹穆羅峯峯下有怪石形如密跡杵者曰降魔石石下有竇可容數十人轉逗而西一石崔嵬崎嶇下摩獅其穴者曰金剛窟窟之南山駭駭而起上絕浮雲若撐南穹之缺陷者曰天柱峯下有瀑布飛流直瀉如玉虹然泉之東曰帝釋臺曰朝陽岡曰文殊頂曰太子臺皆障相承如偃鎗釜而列眾愚當山之腹孕爲勝地延袤數里松檜萬章盤桓夾厓是爲解脫林林之中梵刹危樓飛觀繪椽薄櫨金碧輝映者爲福國寺寺舊名安樂國隱公爲太淑人遣使詣闕以請龍藏天子嘉其孝也御賜金額寺右廡南折而上約半里曰丹雲塢塢負龍珠嶺上面當陽朝霞蒼蔚構屋數楹木不彫鏤土無綿綿杉楸荆扉蓋隱公習靜處也塢右一山陡絕谿谷巖巖翼以飛棧跨以危梁度赤松坡躡石跡而登者曰拱壽臺臺誅茆蓋廡秦僧憩焉臺後有玉印峯峯左出泉曰老潭自乳竇中滲瀝入潭淙淙作佩玉聲亦曹溪別派也自寺左廡折而北一里許有白鹿泉再折而北上曰普陀峯峯前瀾水曰瀉月湖水清沙白淺瀨平瀾每纖阿東上恍疑瓊田玉界湖之東有峯曰北斗崖曰丹鳳巒曰小金馬寺左右兩山對峙如合璧者曰小鷺嶺曰輪王寶珠頂南距里餘曰洗心水甘冽異常一飲沁入肺腑覺塵襟頓鑰也委經鉢孟山山窻其中而隆其外酷類仰孟復折而東下峯曰金翅當寺之前曰翠屏山麓沃壤一區萋草豐茸曰菩提場場址爲瀑布老龍涵月白鹿諸泉所匯深潏下溉平疇者曰環翠溪此則芝山之大概也余得阮君指點披圖若躬躡焉至若樵歌近聽牧遙遙聞幽禽狎座野鹿親人松風甫靜蘿月繼升芝山之朝暮也插繁華於蒼顙蔭葱蒨於朱明綴菊英於白藏點楓林於青女芝山之四時也居是山者峯可尋壑可赴也石可枕流可漱也可以嘯僊命侶可以保性合神心不驚寵辱之途則軒冕可塵土也指不染名利之鼎則汚濁可蟬蛻也隱公具大解脫心故宜是大解脫地也芝山其隱者與乃今而勅福國之號是隱而受禪自今日始也雖五嶽爲六可也隱公爲誰累晉中大夫政事參政木公增號生白者也

玉峯寺 在城北三十里雪山麓清康熙間喇嘛僧建麗江縣採訪

金剛殿 在白沙里麗江府志

迎仙樓 西園庵 並在白沙里明時建麗江府志

鍾秀寺 在喇井清光緒五年里人李錫朋等倡建光緒志

眞武祠 在解脫林下崖腳院中明土知府木氏建麗江府志

太極庵 在芝山巔明時建僧得天的敬的癡習靜處景最清幽麗江府志

觀音堂 在城西北二十里白沙里明時建燬於兵清光緒六年里

人重修麗江府志參採訪

大定閣 在白沙里明時建大定二字書法遒勁閣四面繚以銅罽

甃以文石備極精巧麗江府志

附巡撫襄平甘國璧游白沙院詩道光志

小春天氣日高春選勝探奇興倍濃寒草白沙無野色碧雲紅樹冷山容
屏峯長積千年雪古院惟存百尺松風景依然興廢異老僧指點話喁喁

護法堂 在白沙里明時建供護法伽藍屢著靈異郡人祈禱歲無

虛日麗江府志

附明臨江朱雲白沙廟詩道光志

古木叢中廟象新歲無虛日賽神靈林鴟得食常迎客山獸馴廊不避人
蒙氏皇封遐若邇元朝聖號儼然真非惟定國安邦祚享祀明皇萬萬春

雪嵩庵 在白沙里雪山下明時建麗江府志

鶴慶州

太玄宮 在城東南隅明隆慶間知府周贊麗江土知府木高建規

制宏敞藻繪奇麗爲府境宮觀之最萬曆間知府桑荆初重修清

康熙間恩爵苑公總兵劉廷傑先後重修光緒間邑紳士丁泰重

修鶴慶縣採訪

附明李元陽太玄宮銘道光志

鶴山四迴元氣結晞光洞開氛稷截太素神僧入共嚼飛錫一卓洪滔竭至今后土留靈穴竭來遺甃頑愚媒膏癩弗修祈饗絕靈雷歲有爲民暨誰其籲天聲哽咽周侯欲摘心頭血構宮安聖天神列樓閣蒼然冠嶽真勝事難成勢中輟仁哉鄰伯完其缺參贊

江山賴賢哲兩侯相繼成峻烈靈祈神鑒應無警時有卿雲含藻悅氣候調和陽雨節疆場人民無夭折黍稷年年奉懽悅金堂玉室常芳潔按銘詞原在記文後載萬曆志

地藏寺 在城東五里清康熙二十五年僧福照募建鶴慶府志今在城北

門外道光間國學生周天祥余忠賢等重修旋燬於兵光緒間邑

紳舒金和蔣宗漢等重建鶴慶縣採訪

千感靈寺 在城東五里清咸豐間燬於兵光緒七年重修光緒志

石寶寺 在城東十里峯頂山雍正志

林泉寺 在城東十里鶴慶州志

靈山廟 在城東二十里石寶山光緒志

大興寺 在城東南十五里鶴慶府志

三清殿 在城東十五里清光緒二年州人副將蔣宗漢建

光緒志

南北二刹 在城東南龍華山麓南刹建自唐代北刹建自明初舊

名龍華寺一名界牌寺郡紳先後續建棲雲龍首一乘萬松非幻

彌陀圓覺雪峰天寶各菴最勝園三慧台妙明居覺乘閣觀音寺

慈光寺靈光寺總持林共十八刹明萬曆間北刹圯僧海住重建

清順治間二刹俱燬於火僧照鏡重建

鶴慶縣採訪

元化寺 在城南昔蒙氏因梵僧贊陀卓錫通水遂建此寺

雍正志

先是

鶴慶水淹僧以杖搗東隅洩之水中得樟木一段刻爲佛咒之忽

靈遠近名曰活佛至明成化間雲南憲副林俊聞而火之得金數

百入官

阮元聲南詔野史

附明金醞元化寺詩

道光志

梵林深處絕纖埃到此令人眼界開石鉢水寒龍化去松巢雲動鶴飛來
老禪自得浮杯術吾道誰知補袞才且喜晚來公事息閒吟明月步蒼苔

鶴雲寺

在城南十五里清康熙間藍友桂曾其位建

鶴慶府志參採訪

集慶寺

在城南二十里郡人張信建

鶴慶府志

江尾廟

在城南二十里清光緒元年重修

光緒志

水洞寺

在城南二十五里明知府周集建

雍正志

雙濟寺

在城南一百里一名捨茶寺

鶴慶府志

明萬曆間修

鶴慶縣採訪

松月寺

在城南一百二十里清同治八年州拔貢孫霖甘倡建

光緒志

崇德寺

在城西南隅明知府周集建僧福照增修

鶴慶府志

朝霞寺

在城西南十八里明成化十年建有四刹

鶴慶府志

一大士閣明

萬曆間鄉官孫銀河建清光緒間重修一二勝菴明郡人查偉建

一圓通閣明郡人周鮒建一勝音閣明郡人舉人江南羅山縣知

縣周運泰建今廢

鶴慶縣探訪

霞青宮

在朝霞左明萬曆時建

鶴慶縣探訪

蘭若寺

在城西南一百二十里觀音山驛西唐時建旁有龍眠洞

深五丈闊三丈巖嶂岑蔚飛泉瀑布清氣襲人

雍正志

天壽寺

在觀音山驛西

鶴慶州志

妙覺寺

在城西郡人史紀棟建

鶴慶府志

明萬曆間邑國學生奚可量楊

承業捐修

鶴慶縣探訪

松坡山寺

在城西五里有五剎

鶴慶州志

天池寺

在城西七里

鶴慶府志

寺內有池名天池故名爲郡八景之一

光緒志參

青龍廟

在城西北二十里

光緒志

眞武觀

在城北

鶴慶府志

清同治九年兵燹燬

光緒志

觀音寺

在城北舊傳此處有井爲海眼贊陀洩水後建觀音像於

井上以鎮之

鶴慶州志

龍江寺

在城北二十里

鶴慶州志

青元洞寺

在城北三十里

鶴慶州志

佛光寺

在境內清同治十年州貢生孫大詔倡修

光緒志

白衣寺

一在城內西街一在城西南一百二十里煉渡坡麓清光

緒五年僧仁定重修

光緒志參採訪

案採訪尙有文興寺夢覺庵峯頂寺一相寺開祥寺轉雲庵金龍寺妙行庵天王寺甘露寺太平庵息庵思庵祝國寺石泓寺同緣寺若庵高家寺麗江寺興福寺祖師殿中興寺文風寺大雲閣三聖宮毘尼庵飛禪寺石龍寺吉祥寺三塔寺龍雲庵淨居庵

鶴光寺三台寺龍泉寺文峯寺淨覺庵祥雲寺白衣閣白衣庵淨土庵鹿野院紫玉庵雙龍寺洪家寺鷄鳴寺菩提寺紫金庵念一庵流雲閣迴龍寺太平寺文匯庵感應寺寶相寺回泉室正覺寺等均在境內

劍川州

金華寺 在金華山距城西四里其山頂尖而腳平寬形如金字高

數百丈林木蔥蒨故名金華景泰圖經山多梵刹清咸豐十年兵燹毀光

緒二年重建光緒志

案金華山半有石佛屹立冠佩森然相傳前人牙禍之處山頂有石明月望之如鏡光照海中漁人占以取魚由山門而入歷望海亭老君殿觀音閣玉皇閣諸勝其山自老君山蜿蜒而來雙峯並峙上有浮圖爲一邑主山今圯邑中前輩題詠甚多清馬宣臣太史題畫詩有不知劍海何風景寥嶼蘆洲畫裏開之句蓋太史本邑人其先輩客元江遂爲元江人此詩乃其憶故山之作也

滿賢林 在城西四里就巖鑿門石級紆曲

三清殿 朝元殿 元天閣 雷祖殿 並在城西滿賢林旁清光

緒五年重修光緒志

案滿賢林山門大石呀開清知州事高爲阜題其石曰一竅通靈穿石竅而入爲三清殿後爲小龍湫由此上爲雷祖殿爲朝元殿元天閣五雲樓問天臺皆鑿巖架屋由問天臺下視龍湫股爲之栗問天臺對面有觀音崖達摩廣彌勒堪諸勝而與觀音崖相對者則有接引佛擎天石石卓立雲表望之鼻鼻欲墮清協戎董芳鐫擎天二大字又有兩巖競翠望極高深峭壁中涵及雲隈等字皆作壁竄大書多出董芳幕關中屈爾泰手筆近則鄧川楊瓊騰衝李根源大姚李培林邑人歐陽豐趙藩何立言段鵬瑞輩皆有

摩崖字及詩碣嵌壁風景幽邃盛夏如秋

景風閣

在城西半里舊爲奎星閣

劍川縣採訪

案景風閣在西郭外數百步地當巖江之衝水聲山色城壁闕櫺前清爲奎星閣改革後撤奎星像奉前明鄉先正木主春秋由邑人士致祭近經寇亂木主委仆割裂漫漶邑人趙式銘商同邑之典守財政與耆民故舊重加修葺並別製牌位增祀漢之白王仁果唐之矣羅君宋之段思平元之大鑑禪師及明清兩代先正姓名以仁果與矣羅君段思平皆係白人見樊綽蠻書一統志肇域志劍川所操之方言稱爲白文其實皆雅言也故閣中首祀此三人以誌白文緣起亦數典無忘之義云閣旁有城西精舍與門外靈寶塔參立如鼎足形

德峯寺

在城西北二里德峰山

劍川縣採訪

案德峯寺清康熙間一崙僧創建僧以打版化緣俗稱爲打版寺同時邑人臨武縣知縣趙璉美撰記何其源書今存壁間清末寺僧祖一重建未竟而圓寂其徒孫興復成之

天山觀

在城北德峯之南清咸豐八年燬同治十一年重建

光緒志

案天山觀爲唐時番僧摩伽陀卓錫明鄉楊姓捐金擴之邑人趙文懿先生天山觀詩云異僧卓錫開堂古隱吏揮金闢壑幽蓋謂是也觀外眼界極佳每一登臨山川城郭物色煙雲歷歷在目前殿奉老子像中殿供歷代名醫神主

斗母閣

在城西北德峯山清光緒初重建

劍川縣採訪

案斗母閣距天山觀僅數武清劍川武營員弁建後毀光緒末營中千把外委等重建門外有天臺石闌環之亦一佳勝地也

萬松庵

在城西二里

雍正志

元都觀

在城西一里明時城內趙姓建清光緒間重建

劍川縣採訪

崇仁寺

在城西金華山麓原名崇眞寺清康熙中知州劉啓復修

易今名乾隆九年知州張滋改爲學宮旁有水雲庵

雍正志

明貢生段

瀛選建

劍川縣採訪

地藏寺

在城北三里清光緒七年節婦張氏重建

劍川縣採訪

附舉人趙藩重建地藏寺碑序

邑西北中科山麓有地藏寺不詳所建之年意自前明始也咸豐丙辰燬於兵燹光緒辛巳余外舅從弟王紹敏先生之配張孺人僱工重建規制視昔有加計糜白金千有餘兩皆取資勸募不足則孺人自斥產增益之內典載目連僧以救母證佛曰地藏王菩薩浮屠之言宜爲儒者所不道然大地無垠各區風教大雄氏生於西土厥地嗜殺能以慈悲虛寂化其國而震及北方其戒殺絕紛之說張皇靈異之蹟亦時足以化頑犢而攝殊俗固不必概以孔孟之道繩之而目連艱難救母竭智畢力以證菩薩要亦如中土純孝之儒歿而爲神無足異者且以見含形負氣天性之愛秉彝攸同卽異教且有然也蚩蚩之氓佈施崇奉於教孝不無有裨以視奉荒幻無稽之鬼淫祀邀福夫固大相逕庭矣孺人早失所天清修茹素其建此寺也尺椽寸甃日積月累歷時十數寒暑不懈而底於成似亦賢於縉紳先生之領帑興役而乾沒侵蝕苟以自便其私圖者余故不辭而爲之記

準提閣

在金華山麓明御史陳奇猷建

劍川州志

清光緒七年住持僧法